

國朝耆獻類徵初編卷首之四十

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之二十八

傳第十二

巴林部總傳

巴林部在古北口外至

京師九百六十里東西距二百五十一里南北距二百三十三里

東界阿嚕科爾沁西界克什克騰南界翁牛特北界烏珠穆沁元

太祖十六世孫阿爾楚博羅特生和爾朔齊哈薩爾子二長烏巴

什詳扎嚕特部總傳次蘇巴海稱達爾漢諾顏號所部曰巴林子

巴噶巴圖爾嗣有子三長額布格岱洪巴圖魯次和托果爾昂哈
次色特爾初皆服屬於喀爾喀天命四年額布格岱洪巴圖魯偕
喀爾喀部長遣使乞盟

允之十一年春以背盟私與明和大軍往討陣斬台吉囊努克冬
討扎嚕特

詔分軍入部境以張兵勢焚原驅哨而還會察哈爾林丹爾昂哈
部諸台吉皆奔依科爾沁天聰二年色特爾率子色布騰圖魯偕
格岱洪巴圖魯子色稜和託果爾昂哈子滿珠習禮等自科爾沁
來歸

優賚撫輯之三年從證明由陽什穆河入大安口克遵化四年攻

昌黎與扎嚕特兵圍城北六年從略大同宣府邊八年五月會兵
扎木哈克征察哈爾

賜宰桑布兒山津雕鞍良馬遂由獨石口征明朝州克堡八十月
遣大臣赴碩翁科爾定諸藩牧以扈拉琥瑚呼布哩都克哩葉哈
達瑚濟爾阿達克爲巴林界九年大軍收察哈爾部布兒山津以
來朝預

宴因奉觴慶

上曰承天眷佑吉慶肇臻宜益圖治道儻朕政有違闕爾當直言
極諫何相侑以酒乎布兒山津慚而退崇德元年選兵從征明三
年自牆子嶺入明邊樹雲梯攻城台吉阿玉什屬索爾古先登克

國朝耆獻類編卷之四十一
之四年圍錦州六年圍松山七年獻俘

賚將弁幣順治元年從入山海關擊流賊李自成五年

詔編所部佐領以滿珠習禮掌左翼爵固山貝子色布騰掌右翼
爵多羅郡王各授扎薩克康熙二十三年

上幸塞外

駐蹕烏拉岱兩翼扎薩克率諸台吉來朝

賜冠服弓矢銀幣有差二十八年

詔發古北口倉粟賑所屬貧戶二十九年

命額駙阿喇布坦率兩翼兵四百赴葫蘆郭勒偵噶勒丹是役也
色布騰子格呼爾圖納木扎孫納木達克桑哩達烏爾袞暨族台

吉沙克塔爾等皆從格爾圖尤衝鋒奮擊師旋得

優賚三十四年以噶勒丹掠喀爾喀至巴顏烏蘭

詔檄敖漢兵柰曼兵赴阿喇布坦軍并

命納木達克烏爾袞等防烏珠穆沁汛是年所部歉收

詔發坡賴村米賑之三十八年

諭曰朕軫念蒙古生計遣官教養已各安生理無不樂業者邇聞巴林饑乏朕深憫惻著護軍統領鄂克濟哈學士蘇赫納往會扎薩克等將現貯巴林米千石散賑若人眾米寡著再運坡賴米賑給雍正九年隨大軍勦噶勒丹策凌二等台吉璘瞻追賊察巴罕河獲駝馬又擊之於塔爾勒圖回爾班什勒諸處敘功晉授一等

台吉所部二旗右翼駐托鉢山左翼駐阿察圖拖羅海隸昭烏達
盟爵四親王品級扎薩克多羅郡王一扎薩克固山貝子一附固
山貝子二

扎薩克多羅郡王色布騰列傳

今襲親王品級

色布騰巴林部人姓博爾濟吉特元太祖二十一世孫父色特爾天聰二年來歸貢駝馬

上率諸貝勒出迎

賜宴三年從征明馬多瘠議罰駝馬甲冑

詔免六年從征察哈爾發兵少

諭責之曰巴林託命我國自應竭力戎行何乃吝惜馬匹怠緩不前爾附近喀爾喀諸部爲察哈爾侵掠甚或離其妻孥取其部曲今朕興師伐之正爾等奮志雪仇期也乃色特爾動輒託病嗜飲無度是無病而徒爲酒困耳因叩首請罪

上宥之禮如初未幾色特爾卒崇德五年色布騰來朝

賜儀仗六年春貢貂皮駝馬冬貢如之

優賚其屬巴塞柰僧格拜噶爾等八年以征明錦州松山凱旋表
賀捷順治元年隨都統巴哈納等定山東三年從豫親王多鐸追
剿蘇尼特叛人騰機思敗喀爾喀土謝圖汗車臣汗援兵五年正
月封扎薩克輔國公二月尚固倫淑慧公主授固倫額駙七年追
敘色特爾來歸功晉爵多羅郡王

詔世襲罔替八年來朝

賜宴康熙六年卒七年子鄂齊爾襲鄂齊爾與弟格呼爾圖納木
扎皆淑慧公主出淑慧公主

聖祖仁皇帝長姑也十二年

上詔諭侍衛武格曰

太皇太后甚念淑慧公主可將朕所乘轎馳驛往迎先是

太皇太后聖體違和比公主至喜甚進膳如常三十一年

詔設公主護衛長史視貝勒額三十五年鄂齊爾子烏爾袞尙榮

憲公主護衛長史如之三十九年淑慧公主薨

諭曰公主係朕姑

太皇太后在時特蒙眷愛曾以託朕朕亦面允公主待姑年邁迎
至京師凡一切應用之物朕皆承理以終天年及病篤見朕親臨
視疾含笑而逝公主生逢泰運居蒙古五十餘載躬享高年子孫

繁盛諸福備矣朕歎悼之懷因少解焉四十四年

諭曰朕諸姑俱棄世諸姑之子僅存格呼爾圖納木扎二人向來公主之子坐班在公列其授格呼爾圖納木扎爲公食俸

一次襲鄂爾齊色布騰次子康熙七年襲扎薩克多羅郡王十二年春來朝扈

駕獵南苑

命偕敖漢郡王布達喀爾喀右翼貝勒衮布依勒登等樹侯校射冬復來朝會逆藩吳三桂叛請從征獻馬助軍

諭還牧聽調十三年遵

旨遣弟格呼爾圖偕左翼貝子溫春督兵赴兗州十四年察哈爾

布爾尼叛鄂齊爾聞

召卽至隨撫遠大將軍信郡王鄂扎討平之二十二年卒子三長
納木達克次烏爾袞次桑哩達相繼襲

二次襲納木達克鄂齊爾長子康熙二十三年襲扎薩克多羅郡
王二十九年隨大軍偵勦噶勒丹得

優賚四十二年卒弟烏爾袞襲

三次襲烏爾袞鄂齊爾次子康熙三十五年尙和碩榮憲公主授
和碩額駙四十三年襲扎薩克多羅郡王四十八年榮憲公主晉
封固倫公主授烏爾袞固倫額駙五十六年隨大軍赴阿爾臺防
禦策妄阿喇布坦尋以母喪還五十八年仍

國朝書牘類稿卷之四十一
命赴軍偕振武將軍傅爾丹籌軍務烏爾袞以蒙古從征兵月給
羊價不敷奏請增給

允之六十年卒於軍子璘布襲

四次襲璘布烏爾袞長子尙縣主授多羅額駙康熙六十一年襲
扎薩克多羅郡王雍正八年以縱飲擅殺護衛罪削爵

命其叔父桑哩達襲

五次襲桑哩達鄂齊爾第三子初授二等台吉康熙四十四年來
朝

諭協理旗務五十四年大軍防禦策妄阿喇布坦桑哩達請從

允之五十九年以兵百隨前鋒統領定籌等擊賊鏗額爾河俘宰

桑貝坤等百餘人偵賊屯烏蘭呼濟爾復隨振武將軍傅爾丹往焚糧賊尾襲仍敗之

賚冠服甲冑雍正三年

詔獎其功封輔國公八年襲扎薩克多羅郡王九年偕蘇尼特郡王垂濟恭蘇隆督兵五百隨大軍勦噶勒丹策凌

命偕喀爾喀親王丹津多爾濟及副都統烏察喇等擊賊於蘇克阿勒達呼尋以兵分防達什哩十年勦賊至額爾德尼昭偵賊據阜仰攻之礮傷額仍奮擊賊走推河復偕從子璘瞻追勦俘斬甚眾

獎賚之十一年防察罕布爾哈蘇十三年防烏里雅蘇臺尋徹兵

還乾隆四年授副盟長十三年卒子璘沁襲

六次襲璘沁桑哩達長子初授二等台吉雍正九年隨父桑哩達
赴北路軍十年桑哩達遣入

覲奉

諭嘉獎

賜銀千兩授一等台吉乾隆六年

命御前行走八年封輔國公十三年襲扎薩克多羅郡王十四年
賜號和碩齊十五年授副盟長十八年晉盟長十九年

上嘉其勤慎

賜親王品級二十年授議政大臣

諭隨定北將軍班第勦達瓦齊於伊犁六月達瓦齊就擒師還
諭防護俘囚九月至波羅河屯

覲行幄以病

命還牧二十一年卒

賜銀三千兩

遣宗室公永弼永昌往祭尋

諭曰巴林扎薩克王爵應於璘沁諸子內簡襲額駙德勒克雖係
長子難勝扎薩克任著以璘沁次子巴圖襲德勒克加恩別封輔
國公

七次襲巴圖璘沁次子乾隆二十一年襲扎薩克多羅郡王三十

年

命御前行走四十八年扈

駕幸盛京

諭獎其效力年久克抒忱悃

賜親王品級四十九年理藩院議巴圖親王品級係

恩封例弗予襲俟出缺時請

旨

詔如議